



24. Oktober. 2018

UKA 2018/47

Atassut

Aqqaluk Heilmann

Nappaatit suut napparsimasut sivikitsumik piffissamiluunniit aalajangersimasumik sivilissusiligaanngitsumi Danmarkiliarlutik katsorsartikkiartortariaqalertanerannik kinguneqartarnersut pillugit Naalakkersuisut UPA2019-mi nassuiaammik saqqummiussinissaat pillugu Inatsisartunut aalajangiiffigisassatut siunnersuut. Nassuiaammi aningaasatigut nakorsaanikkullu periarfissat suut ungasinnerusoq isigalugu napparsimasunik Danmarkimut katsorsartikkiartortunik ikilisitsisinnaasut ilanngunneqassapput.

(Inatsisartunut ilaasortaq Aqqaluaq B. Egede, Inuit Ataqtigiit)

Inatsisartuni ilaasortaq Aqqaluaq B. Egede, Inuit Ataqtigiit Siunnersuutaa Atassummiit ima oqaarseqarfigissavarput.

Siullermillu qujavugut siunnersuutaanut.

Nunatsinni nakorsassaaleqineq, peqqissaasunillu amingaateqartarnigut pissutigalugit taartaasartunik atuisarnerput annertuumik qujassutissaqarfigivarput, naak akikitsuinnaanngikkaluartoq taartaajartorlutik piffissami aaliagersimasumi sulisoqartarnikkut.

Tassani pingaartipparput sapinngisaq tamaat nakorsanik peqqissaasunillu sulisoqartariaqarnera, illoqarfinni tamani.

Atassummiit isumaqarpugut peqqinnissaqarfiit pillugit suliaqarnermi partiit ataatsimoorluta inuk pillugu suleqatigiittariaqartugut, ullumikkut unammillernartutut inissisimaffigisartakkagut pitsanngorsarniarlutigit.

Siunnersuutigineqarpoq nalunaarusiortoqassasoq, nappaatit immikkuullarissutut taaneqarsinnaasut suut nunatsinni katsorsarneqarsinnaanersut, kiisalu dk-mut nuuginnartariaqartartut nappaat tunngavigalugu ilanngullugit paaserusunneqarluni.

Atassummiit siunnersuutip ima piomasaaqat nalunaarusiornissamik taperserparput, peqqinnissaqarfimmiit kiffartuunneqarnikkut inuiat toqqissisimasumik inuuneqarnissarput tamatta pingaartipparput, siunissamilu pitsanngorsaanikkut iliuuserineqarsinnaasutigut suleqatigiittariaqarluta.

Siunnersuut peqqissutsimut ataatsimiititaliamut ingerlaqqittussanngorlugu innersuussutigivarput.